

Nos Antepasadonan...

Ds. Nicolaas Adrianus Kuiperi

Nicolaas Adrianus Kuiperi no tabata un Arubiano, pero si a laga descendencianan na nos isla.

El a nace dia 6 di December 1811 (kizas p'esey mes su nomber 'Nicolaas') na Schoonhoven, Hulanda.

E tabata e prome domi cu a wordo apuntá pa traha na Aruba.

Prome cu esaki, ta e domi di Curaçao mester a bini Aruba un of dos biaha pa aña.

Domi Kuiperi a jega Aruba dia 1 di October 1858 den un barco jamá Anita. Su prome predicashi el a tene dia 3 di October na hulandes. Pero despues di corto tempo riba nos isla el a ripará dos cos:


Prome - cu hopi hende tabata tin cunucu banda di Canashito, caminda nan tabata bai pasa fin di siman y cu ta ey e mester bai topa cu nan.

Segundo - cu e mester siña Papiamento mas liher posibel, ya cu hopi di su hendenan no tabata compronde hulandes y nan tabata preferá di canta na spañó.

Asina el a bin tene su prome predicashi na Papiamento dia 23 di Januari 1859 na cas di Izaak Maduro na Canashito. El a siña nos idioma den solamente 3 luna y mei.

Den un magashina bieo na Canashito, el a laga traha un kerki chikito despues. Aki tambe el a predicá na papiamento dia 8 di januari 1860. Seis luna despues e capiya a keda cla completamente, pero na 1879 - tempo cu ya domi Kuiperi a bai - nan a kim'é, pero ainda nos por mira su fundeshi.

Nicolaas Adrianus Kuiperi a bandoná Aruba na aña 1871. E tabata tin 4 jiu, di cual e mayor, Hermanus Esajas, a keda Aruba y a casa cu un mucha muher Arubiano, Johanna Elisabeth Olivet. For di e matrimonio aki a nace 9 jiu, kendenan un gran parti a keda Aruba y a forma un numeroso famia Arubiano...




Bo yiu merece e miho.....

Cada **little tikes** cu nos bende, na **Mareve**, nos ta duna bo **100% di** **garantia**. Si algo kibra of dañá nos lo remplase completamente **GRATIS***!



Toy's



Fergusonstraat 42-A
Tel. 825393

* mester ta compra na Mareve Toys & Gifts



Chabalito

Number 2 - Año IV -
October, 2001 - Afl. 2, =

